

**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Litterarum Testimonialium paupertatis pro eadem Form. XII.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

minator, vel iudex Synodalis, vel alia munera laudabiliter exerceat, aut execuerit, debet Episcopus, sive Vicarius Generalis in testimonialibus sigillatim hæc exprimerre, quia apud Datariam multum pondereant, & est de jure, quod Beneficia Ecclesiastica debeantur habenti maiores qualitates, ut dixit Rot. in dicta decisi. 950. n. 9. coram Dunoz. Jun.

2. SCIENTIAQUE PRÆDITUM. Quamvis Canonicatus etiam Cathedralis, juxta doctrinam Navarr. in conf. 11. de injur. & dam. dat. & conf. 97. num. 6. de Simon. quem sequitur Ricc. prax. For. Eccles. part. 1. resol. 403. nos. 6. dicatur Beneficium simplex: Nihilominus ad illum obtinendum requiritur scientia major, quæ non exigitur in Clericis minorum Ordinum, & quod Canonicus, non solum linguam latinam rectè calleat, sed in litteris ita profecerit, ut suo consilio possit aliquando Ecclesiam, & Episcopum juvare, ne contingat ad Capitulum duci Oves, & Boves,

ut inquit Lotter. de re Benefic. lib. 2. qu. 50. n. 53. Jura etenim præsumunt Canonicos Ecclesiæ Cathedralis esse peritos, & consilio maturos, c. Statutum de rescript. in sexto.

3. PRÆBENDAS. Non tamen Theologalis, seu Poenitentialis: Nam si de harum provisione agendum esset, testimoniales litteræ deberent fieri magis specificæ, & commendari ætas, & cæteræ qualitates pro illis requisitæ, de quibus jam supra loquuti sumus.

Testimonialium paupertatis pro
Dataria.

FORMULA XII.

SUMMARIUM.

1. Paupertas quomodo probetur.
2. Episcopus, qui de paupertate absolute testari non potest, mittit adia ad Datarium.

N. Episcopus, sive Vicarius Generalis N.

PEr præsentes fidem facimus, & testamur Petrum N. & Luciam N. hujus Diœcesis esse pauperes, & miserabiles, adeout ex labore, & industria eorum victum sibi ipsis parare cogantur, prout ex fide Parochi, & depositione Testium familiarium vicinorum fide dignorum Nobis constare fecerunt; In cuius rei testimoniūm præsentes dedimus subscriptas, & sigillo munitas. Datum &c.

N. Vicarius Generalis N.

Loco ✡ Sigilli.

N. Cancellarius Episcopalis.

ADNOTATIONES.

1. **T**ESTIVM FAMILIARIVM. Licet paupertas probetur etiam Testibus deponentibus de communi reputatione, & fama, ut tradit Tusch. litt. P. concl. 162. n. 1. Rot. cor. Pamphil. dec. 676. n. 1. ex illo principio, quod paupertas, uti qualitas connaturalis, facile præsumatur, & quilibet in hanc lucem pauper, & nudus ingreditur, e. Sicut 47. diff. D. Paulus 1. ad Tim. c. 6. Nihilominus modus tutior illam probandi est inductio Testium fami-

liarium, seu viciniorum, qui præsumuntur informati, ut docent Gratian. discept. 660. n. 1. & seqq. Tusch. d. concl. 162. n. 4. ubi dicit, quod melius probari non potest.

2. Si vero Testes inducti deponerent, quod Petrus, & Lucia possideant aliqua bona, & Ordinarius non posset de paupertate simpliciter, & absolute fidem facere, tunc illorum integrum examen mittitur ad Datarium, ad hoc, ut ipse judicet, an dispensandi dici valeant pauperes, nec ne, juxta præmissum, quam docet Corrad. prax. dispensaf. lib. 8. cap. 5. n. 22.

Alia